

Агнагамалта сали мантыгами икаюгақыкыпут анапут. Кегми унонулуку ыгыфқаяхқат сальагахқат лыыган сальами. Хугақыкет қилүйит айвыгым, мактым. Иқехсальхаглуки, ыгульхаглуки. Сали агнагамало гүйи сальаганльагыухсимауңа. Тамакын ықльүйиңайвыгым ылнулгит сальагахқат пеқыкет. Тамакут ынкам акуна атымпалуки куйңилтьыхтақнамың тугоқыкет. Куйңилтьыхнақақнамың санаутақет акуна камгыт ныхсам тымкеның, сальагат ылнулгит санақйбапут.

Куйңилтьыхтақнамың тыкитақыкет игүйильуки куйңит, атыкухкат, игут.

Агнагамало сали полъасигьюныхтумауңа. Киңоку мантыгахльүйини Калңинкут ысхағаңа налета юм, пит илани: тана агнагақ акумсийсйң атулгени регаль, атуюок.

Тагъёқльу пинитупик ысимакук. Қонпың атуғақылгекук. Амта ыльңа атуситукамаўк. Атусекуқ-ам, атасикун илисагъяхтуғақахпук полъасилгенун. Пынагунгуми ысимакут нухтыңатыкут Нувуқамың.

Анама кулигамсутақыкиңа, укйьугасагның Нувуқамун тыкитакут накын ипа нунаның кимухсит. Қайгўальамың, уңайигмит қамаыхтынун пытуғақет гўанит ынкам сали аюңамалуки никугнамакут лыңахталыгит гўанита. Калъыхтақнамың, гуқ, полъасекут.

– Натын-ам алеғақат атуыт? – апытақақа.

Киңоку, гуқ, қавануни никуга атун, лыыган ынкам тупата. Ыльтугагминун Владимирымун алңайьқа магнитофонымун. Сали тана микагалуни ысхапалгенун қахаяўхсимаўк. Тугоқыкывут клубымун полъасилгенун.

Киңоку қиялге ысхаға ыглыгусильтыңата полъасильтыт.

– Тана саюғақа? – апытат ыльңа.

– Амта саюгьюғакуқ. Тагани илисимаки сали утуқақ саюн. Ыглыгусильтыңата полъасильтыт, гуқ, ыльңа пет: «Ысха гутысхынльахсийң, саюғақьяхқак».